

chartæ bibulæ ope, separatur, et Sulphureto residuo rursus affunditur, denuo per horæ dimidium decoquitur et percolatur. Præcipitata, his laboribus comparata, Aquâ destillatâ frigidâ sedulo abluuntur et ad gradum caloris $+25^{\circ}$ C. haud superantem cautissime siccantur. In vase vitreo sicco, bene obturando, mixta servantur.

Oxygalactos vaccini fermentat.
LACTAS FERROSUS.

Rec. *Sacchari Lactis* pulverati unciam, . . p. 1.

Ferri Limaturæ, oxido haud inquinatæ,
 unciam, p. 1.

Oxygalactos vaccini libras duas . . p. 24.

Digeruntur in lagena sæpius agitanda, cujus apertura clauditur subere, tubum vitreum in acumen eductum includente, ad temperaturam $+30^{\circ}$ — 40° C., per dies aliquot vel donec Saccharum Lactis evanuerit; cujus quum nova deinceps uncia addita est, totum ulterius digeritur, usque dum Lactas ferrosus, pulveris instar albidus, deponi incipiat. Tum liquor una cum depositis ad ebullitionem calefit et bulliens in lagenam, deinde claudendam, percolatur.

Quum Lactas ferrosus, e liquore refrigerato depositus, post dies quosdam non amplius crescit, liquor supernatans defunditur et crustæ crystallinæ, Aquâ frigidâ aliquoties elotæ, calore blandissimo inter chartæ plagulas citissime siccantur.

Servatur in vase, optime claudendo.

PAPILLI CANCRORUM PRÆPARATI.

Præparantur *Lapilli Cancrorum*, ut Bolus præparata.

LAPIS DIVINUS.

Cuprum aluminatum.

Rec. *Vitrioli de Cypro*,*Nitratis kalici depurati*,*Aluminis crudi*, singulorum unciam p. 16.

Pulverata et inter se mixta in vase fictili vitreato liquefiunt modico calore. Liquatis et ab igne remotis admiscetur

Camphoræ depuratæ drachma dimidia; p. 1. quo facto massa, super porphyritem effusa et refrigerata, in frustula diffingitur et in vase clauso servatur.

LICHEN ISLANDICUS PRÆPARATUS.

Rec. *Carbonatis kalici depurati* drachmas duas,*Aquæ* libras viginti quattuor.

Fit solutio, quæ

Lichenis islandici mundati libræ uni superinfunditur. Post macerationem per duodecim horas, quod liquidum est, decanthatur; lichen vero, aquâ frigidâ, quamdiu hæc sapore imbuatur, ablutus, siccatur et servatur.

LINCTUS.

Non nisi ad usum parantur.

LINCTUS BORACICUS.

Linctus Boratis natrici.

Rec. *Boracis pulveratæ* drachmam, p. 1.*Mellis Rosæ* drachmas decem p. 10.

Conteruntur, donec Borax soluta sit.

LINCTUS HYPOCHLORITIS CALCICI.

Linctus Oxyhuriatis calcici.

Rec. *Solutionis Hypochloritis calcici* drachmam, p. 1.

Mellis depurati,

Aquæ destillatæ, singulorum drachmas sex p. 6.

Agitando miscentur.

LINCTUS MELLITUS.

Rec. *Olei Olivarum provincialis* unciam, . p. 1.

Mellis depurati uncias tres p. 3.

Miscentur.

LINCTUS OLEOSUS.

Mucilago oleosa.

Rec. *Gummi arabici* pulverati unciam dimidiam, p. 1.

Aquæ Amygdalarum amararum dilutæ,

Olei Amygdalarum recentis, singulorum unciam p. 2.

In mortario lapideo trititando mixtis additur sensim

Syrupi Althææ uncia et semis, p. 3.
ut fiat linctus.

LINIMENTUM AMMONICUM.

Rec. *Ammoniæ caustici* unciam dimidiam, p. 1.

Olei Olivarum communis unciam . . . p. 2.

Miscentur quassando. Non nisi ad usum paratur.

LINIMENTUM CALCICUM.

Rec. *Olei Lini frigide expressi,*

Aquæ Calcis, singulorum partes æquales.

Miscentur. Ad usum paratur.

LINIMENTUM SAPONIS CAMPHORATUM.

Rec. *Saponis albi hispanici* uncias quattuor, p. 16.

Spiritus diluti libras duas p. 96.

Digeruntur, donec sapo solutus sit; tum adduntur

Olei Rosmarini drachmæ duæ, p. 1.

Camphoræ depuratæ uncia p. 4.

Servatur loco, ubi temperatura gradibus $+15^{\circ}$
C. non est inferior.

Ser. profrigidatæ & Thylaxid.

LIQUOR ACIDUS HALLERI.

Elixir acidum Halleri.

Rec. *Spiritus concentrati*,

Acidi sulphurici destillati, singulorum uncias tres vel partes æquales.

Acidum sensim et caute in Spiritum instillatur, cavendo, ne nimis calefiat mixtura, quæ, post refrigerationem, in vase vitreo, epistomio vitreo munito, servatur.

LIQUOR AMMONIACI ANISATUS.

Spiritus Salis ammoniaci anisatus.

Rec. *Ætherolei Anisi* unciam dimidiam, . . p. 2.

Spiritus concentrati libram p. 48.

Solutis adduntur

Ammoniaci caustici uncia duæ et drachmæ sex p. 11.

Servatur in vase bene clauso.

LIQUOR AMMONIACI AROMATICUS.

Spiritus volatilis aromaticus.

Rec. *Olei Cassiæ* scrupulum dimidium, . . p. 1.

Olei de Cedro scrupulum, p. 2.

Ætherolei Piperis jamaicensis scrupulos
duos, p. 4.

Solutionis Carbonatis ammonici spirituosæ
uncias sex p. 288.

Miscentur, ut solvantur ætherolea, et servan-
tur in vase bene clauso.

LIQUOR AMMONIACI SUCCINATUS.

Alkali ammoniacum succinatum. Am-
moniacum succinatum. Aqua Lucis.

Rec. *Olei Succini empyreumatici rectificati* scru-
pulum; p. 1.

solvitur in

Spiritus concentrati uncia, p. 24.
et solutioni colatæ adjiciuntur

Ammoniacy caustici uncia quattuor . p. 96.

In vase probe clauso servatur.

LIQUOR CORNUS CERVI.

Liquor Subcarbonatis ammonici.

Rec. *Cornus Cervi* rasi quantum placet.

E vase destillatorio ferreo apto, cui adapta-
tum est vas excipiens amplum cum tubo inter-
medio, fit destillatio, igne sensim ad summum
fere aucto. Transeunt *Liquor alkalinus*, *Oleum*
empyreumaticum et *Sal*. Liquor purificatur, quum
colando per chartam bibulam humidam ab oleo
et sale separatur.

Pondus specificum 1.06 erit; quod si majus
sit, liquor Aquâ destillatâ diluendus est, ut ju-
stam habeat densitatem. In vasis parvis, bene
obturatis, loco obscuro servatur.

Paratur etiam ex *Ossibus Pecorum* contusis
et, coquendo cum Aqua, a pinguedine liberatis.

LIQUOR CORNUS CERVI ACETATUS.

loco Liquoris Tartratis ammonici.

Rec. *Liquoris Cornus Cervi* libram, p. 48.

Acidi acetici concentrati quantum sufficit
ad saturandum.

Saturatione peractâ et Acido carbonico ope
lenis caloris fugato, inter agitandum adduntur

Olei Succini empyreumatici rectificati drach-
mæ duæ; p. 1.

et fit, post horas viginti quattuor, colatio. Ser-
vatur in vase bene clauso.

LIQUOR CORNUS CERVI SUCCINATUS.

Liquor Succinatis ammonici.

Rec. *Liquoris Cornus Cervi* quantum placet.

Acidi succinici quantum ad plenam satura-
tionem requiritur.

Saturatione peractâ et Acido carbonico lenis
caloris ope fugato, post viginti quattuor horas
colantur et in lagena, bene clausa, servantur.

LIQUOR PYROTARTARICUS.

Tartarus crudus retortæ ferreæ aptæ im-
mittitur, ut hujus duas tertias partes occupet,
et igne sensim aucto fit destillatio. In recipiens
vas, quod capacissimum sit, transibit *Liquor*
acidus una cum *Oleo*, ab illo per chartam bi-
bulam humidam separandus.

LITHARGYRIUM PRÆPARATUM.

Præparatur *Lithargyrium* eodem modo, quo
Bolus præparata.
